

Nipilersorneq B - 2022

1. Ilinniartitsissutip inissisimanagera

Nipilersornermik ilinniartitsissummi atuagarsorneq-ilisimatusarneq, kusarnartulerineq, eqqumiitsuliamik pilersitsineq nipilersornerullu nunarsuarmi takutitseriaataaneramik tunngaveqarluni tusarnaartitsinermut sammitinnera katitinnerisigut, inulerinerup, pinngortitalerinerup inuiaqatigiilerinerullu ilaat ataatsimoortinneqarput. Nipilersornermik ilinniartitsissut nalinginnaasumik perorsaataanermigut, ilinniagaqarnissamut pereersaataanermigut, kinaassutsimik ineriartortitsisuunermigut kulturimillu pilersitsisuunermigut ilinniagaqartarnermi kalaallilu kulturimik ingerlatsineranni pingaarutilimmik inissisimavoq.

2. Ilinniartitsissummi siunertat

Ilisimasat piginnaasallu

Ilinniartut ilisimasaqarnikkut piginnaasaqarnikkullu ilinniartitsissummi sakkussaqassapput, taamaalillutik nipilersorneq pillugu nipilersoriaatsini ineriartortitsinissamut piviusunngortitsinissamullu piginnaasaqassallutik.

Iikkagaqartarnermi sulinermilu piginnaasat

Ilinniartut nipilersornermik pissutsinillu nipilersornermut tunngasunik nalilersuinermik suliaqarsinnaassapput aammalu nipilersornermi takussutissanik, nipilersornermik ilinniarnermik, tusarnaarnermik ilinniarnermik nipilersornermilu atuagarsornermik suliaqartassallutik.

Inuttut inuillu akornanni attaveqatigiittarnermi piginnaasat

Ilinniartut eqqumiitsuliornikkut tusarnaartitsinermik misigisaqartitsinermillu piginnaasaqassapput. Ilinniartitsissummi tassunga peqatigitillugu ilinniartut nutaanik pilersitsisinnaanerat nutaaliorinnaanerallææi ineriartortinneqassapput. Nipilersornermi piginnaasanik nipilersornermillu suliaqarnermi ilinniartut akisussaassuseqarnermik, imminut aqussinnaanissamik nammineersinnaaneramik isiginninniartarnermillu suleqatigiinnermillu takutitsissapput aammalu sivisunerusumik suliaqarnerit ingerlasinnaallugit.

Kulturikkut inuiaqatigiillu akornanni piginnaasat

Ilinniartut nipilersornermik paasinninnerup aamma kulturimik avatangiisinillu paasinninnerup annertusarnissaat siunertaralugu, nipilersornermik suliaqarnermut atatillugu, nunarsuarmut oqaluttuarisaanermut, inuiaqatigiinnut kultumullu atassuteqartitsinerit ilanngutissavaat.

3. Iikkagassatut anguniakkat imarisaalu

3.1 Iikkagassatut anguniakkat

Ilinniartut uku piginnaalissavaat:

Nipilersornermik piginnaasat

- a) nipilersornermik ilinniartitsissummi periutsit, atuagarsorneq taaguutillug aamma kitaamiut kalaallillu eqqumiitsuliornermi, nuannarineqartunik inuiaallu nipilersuutaannik nalilersuinermi periutsit kiisalu nipilersornerit kitaamiutuuaallaanngisut tusarnersut aamma nipilersornermik ilusileeriaatsini nipilersoriaatsinilu grafikkinngorlugu saqqummiinerit atorneqassapput,
- b) nipilersornermik, tassunga ilanngullugu, nunarsuarmut, oqaluttuarisaanermut, inuiaqatigiinnut, kulturimut, nipilersornermik ilusileeriaatsit nipilersoriaatsillu kalaallit nipilersuutaannut sanilliullugu nalilersuineq
- c) nipilersornermi nuutilersueriaatsinik ilisimasaqarnermik takutitsineq,
- d) ajornartorsiutinik misissuineq aaqqiissutissanik ineriartortitsineq nalilersuinerlu, tassani ilinniartitsissummi ilisimasat periutsillu atorneqassalutik aamma
- e) pissarsiviusinnaasunik ilinniartitsissummut tunngasunik ujartuineq, suliareqqiineq atuinerlu

Nipilersornermik ingerlatsineq

- f) nipilersoriaatsit ineriartornissaat piviusunngortinnissaallu siunertaralugu nutaanik pilersitsilluni, nutaaliorluni nammineerlunilu, kisimiilluni allallu peqatigalalugit sulineq,
- g) kisimiilluni – nipilersuutilluunniit atorlugi – kalaallit nunanilu tamaneersut erinarsuutaannik aamma kisimiilluni tulleeeriillunilu erinarsuutaannik nipiarsuutillu ilaannik erinarsorneq nipilersorneriaatsinillu piginnaasaqarnermik takutitsineq,
- h) nammineerluni tusarnaartunut nipilersornissaq siunertaralugu nipilersuutinik sungiusarneq suleqatigiissutigalugu aamma
- i) nipilersuutinik saniatigullu atortunik tusarnaartitsinerit annikinnerusut ingerlannissaannut pisariaqartunik ikkussuineq, atuineq piaanerlu.

3.2. Ilinniartitsissutip imarisai pingaarnerit

Ilinniartitsissutip imarisai pingaarnerit ukuupput:

Nipilersornermik piginnaasat

- a) nipilersugassiat ilaat naatsut nipilersugassiat naannerusut aamma kulturit akimorlugit piffissat ingerlaneranni piffissa annertuumik assiinnngissutaannit nipilersoriaatsinillu nipilersukkat
- b) nipilersornerup oqaluttuarisaanera piffissallu ingerlanerani nipilersornermi kulturimi pissutsit, tassunga ilanngullugit kalaallit nipilersuusiaat,
- c) nipilersornermi sammisat marluk, taakkunanga ataaseq nipilersuusiornermik suliaasinnaavoq,
- d) nipilersornermik maluginiagaqartarnerup, misigisaqartarnerup nalilersuisarnerullu pitsaassusilernissaat siunertaralugu nipilersornermik nalileeriaatsit, nipilersornermik ilinniarneq, tusarnaarnermik ilinniaq nipilersornerlu pillugu atugarsorneq,
- e) nipilersukkat immikkoortuini teknikkat ajornaatsut aamma
- f) nipilersukkatut toqqakkanut tunngatillugu taallat.

Nipilersornermik ingerlatsineq

- g) kisimiilluni nipilersoqatigiilluniluunniit nipilersukkanik sungiusarneq, nassuiaasersuineq nipilersornerlu,
- h) nunami namminermit nunanilu allani nipi ataaseq atorlugu nipilersuutit toqqakkat assigiinngiaartut,
- i) nunami namminermit nunanilu allani tulleeiilluni nipilersukkat immikkoortui aamma imaluunniit nipilersuutit atorlugit nipilersukkat immikkoortui nipilersuutillu atorlugit nipilersornermi immikkoortut toqqakkat assigiinngiaartut aamma
- j) nipimik tunngaviummik pilersitsineq, nipilersuutinillu atuisinnaaneq .

3.3 Ilassutitut ilinniakkat

Ilinniartut taamaallaat pingaarnertut ilinniakkat atorlugit ilikkagassatigut anguniakkat angusinnaassanngilaat. Ilassutitut ilinniakkani ilaatigut teknologimut, saqqummiiffiqineqarttuni, kulturimut, inuiaqatigiinut, ingerlatitseqqittarnermut, tarnip pissusaanut tunngasut pillugit nipilersornermik ilisimatusarnermi aornartorsiutit ilanngunnerisigut ilinniartitsissutip imarisai pingaanerit itisilerneqassapput. Ilassutitut ilinniakkat nipilersornermi kulturit akimorlugit tusarnaartitsineriaatsinik isummersornermut ilinniartitsissutinullu arlalinnut atatillugu nipilersornermi takutitsisarnermik atassusiinermut aamma atorneqassapput.

4. Aaqqissuussineq

4.1 Ilinniartitseriaatsimi periutsit

- a) Ilinniartitsinerni ilinniartut ilinniakkani qaffasissusiat ilisimasaallu aallaavigineqassapput.
- b) Ilinniartitsineq imatut aaqqissuunneqassaaq ilinniartitsisut ilinniartullu akornani ilikkagaqartarnermi oqaloqatigiittarnerattut sapinngisamik isikkulerlugu
- c) Ilinniartitsineq imatut aaqqissuunneqassaaq ilinniartut nipilersornerup piginnaasallu imminnut ataqatigiinnerannik paarlaakaajaattarnerannillu misigisaqartillugit.
- d) Ilinniartitsineq imatut aaqqissuunneqassaaq ilinniartut nipilersornermik misigisaqarnerat, ilinniartitsissummi atuagarsornermik, taaguutinik periutsinillu piginnaasaqarnerat iinniartitsineriaasiviit atuagarsorlunilu ilinniartitseriaaseq ataatsimoortinnerisigut pitsaassuseqartilugit.
- e) Ilinniartitsineq imatut aaqqissuunneqassaaq ilinniartut assigiinngiaarnerat, illikagaqartarnerat pisariaqartitaallu mianerineqassallutik.

Nipilersornermik ilinniartitsinermi ilikkagaqartarnermi aaqqissuussamik uku sammineqarput, tassani pisuniit malittarisassanut eqqarsartarneq nassuiaasiornrmi tunngaviit ilaallutik:

- a) Tusarnaarneq misigisaqarnerlu,
- b) Nipilersuutinik pioreersunik nipilersorneq,
- c) ilaarsineq, nipilersuusiorneq
- d) piareersaqaarani saqqummiussineq, aaqqissuussineq, ,

- e) nassuiaasioorneq aamma
- f) isummersortarneq (atassuteqartitsineq).

4.2 Suleriaatsit

Ilinniartitsinermi ilinniartitsissummi sammineqartut pillugit tunngaviusumik aaqqissuussamik saqqummiunneqartassapput, tassunga ilanngullugit nipilersornerup oqaluttuarisaanerani tamanik takunnissinnaaneq atanerilu. Ilinniartitsineq aamma imatut aaqqissuunneqassaaq sammisaqartarluni, klassimi ilinniartitsineq aaqqissuussaasungorlugu, suliniutit nutaanillu pilersitsilluni suliaqartitsisarlu, tassani immikkoortut nipilersorneq atuagarsornerlu ilaallutik.

Piffissaq ilinniartitsiviusoq tamassuma kingorna pilersornermik piginnaasanik sammisatut marluttut aaqqissuunneqassaaq, taakkunanga ataaseq nipilersornermik atugarsornermillu imaqartillugu nipilersuusiornerut aaqqissuunneqarsinnaalluni.

Nipilersuusiornermik suliniummut atatillugu suleqatigiit ingerlatsinertik, isumassarsiami nutaaliarluni sulineq aallavilluunniit ilinniartitsissummilu anguneqartut pillugit uppernarsaasiussapput. Uppernarsaat soraarummernermi tunngaviusaaq naliliinermili tunngaviussanani.

Ilinniartut ilinniartitsinermi oqaatsinik siullertut oqaaseqaatut aappaattullu oqaaseqartut mianerineqassapput.

Allattariarsorluni sulineq imatut aaqqissuunneqassaaq, ilinniartut ilinniartitsissutini allani allattariarsornermik ilisarisaannik siuariartoriartortoqarluni periuseqartoqarlunilu. Allattariarsorluni ajornanginnerusumik sungiusarnikkut, ilinniartut nipilersukkat immikkoortuni teknikkimik saqqummiivigineqassapput aammalu nipilersorneq nipilersornermillu ingerlatsineq pillugit allattariarsorluni suliaqarlutik. Tamassumani ilinniartut taaguusersuisarnerat taparserneqassaaq. Klassimi nalilersuinissaq pitsanngoriaateqarnissarlu siunertaralugit ilinniartut akissutaat ingerlaavartumik saqqummiunneqartassapput.

Nipilersornermi sungiusarnerit ilinniartitsissumit aqunneqartut aamma ilinniartitsisoq siunnersortigalugu ilinniartunit aqunneqartumik nipilersoqatigiinnerit paarlakaajaanneqassapput. Saqqummiisarneq ilikkagaqartarnerup pingaarutilimmik ilagaa, ilinniartitsinerullu ilaatut tusarnaartunut nipilersornissaq suliniutigineqartassalluni. Nipilersornermut atatillugu, tusarnaartitsineq, nipilersuutininik siumut immiussat, videonngorlugu nipilersorneq, radiomi aallakaatitaq allatulluunniit naleqquttoq pineqarpat, nipilersuutininik naleqquttunik ilinniartut nammineerlutik nipilersornissaannut pisariaqartut atornissaannik ilinniartitsisoqassaaq. Tamassuma kingorna nipilersornerup ineriartoqqinnissaanut tunngavissatut isummersortoqartassaaq. Ilinniartut piffissap

ilinniartitsiviup avataani ilinniartfiup atortuinik ininilluunniit atuinissamik piumasaqarsinnaanngillat.

Nipilersornermik ilinniartitsineq nipilersornermik ingerlatsinerit allat attavigalugit pilersinneqassaaq. Nipilersornermik ilinniartitsissutip inuiaqatigiinnilu avatangiisusuni atornerqarnerani ilinniartut suliffeqarnermi qaffakkiartornermi piginnaasaat pitsaassutsimillu paasinninnerat qaffassarneqassapput.

4.3 It

IT nipilersornermi B-mi ulluinnarni ilinniartitsinermi, ilinniarnepup ingerlannerani immikkoortuni ataasiakkaani, allattariarsornermi, nipilersuusiormik suliniutip ilaatut, nipilersornermik taannalu pillugu digitalinngorlugu ingerlatitseqqiisarnermut pingaaruteqarpoq, assersuutigalugu nipimik immiussinermi aqqiussuussinermilu, nipimik suliareqqiinermi, nipilersuusiormik, aqqussuinermi piginnaasanillu sungiusarnermi.

Nipilersuutiniq, videonik raadiumiillu pissarsisinaneq kiisalu internetimi inuit attaveqartarfiinik toqqorsivinnillu sullissisunik atuisinnaaneq ilinniartitsissummut ilaapput.

Ilinniartut ilinniartitsissummi ineriartornermut tapersiutitut namminneq ilikkagaqartarnermi digitalimik piginnaasaminnik uku aallaavigalugit atuisinnaassapput:

- nipilersuutiniq nipilersoriaatsimik digitalinngorlugu ingerlatitseqqiisarnernannut ilaassapput tapiissutaallutulu
- nammineq allallu nipilersuutaannik atuinermi nutaaliorsinnaassapput, akisussaassuseqassapput ataqqinnillutillu, tassunga ilanngullugit nipilersuutiniq toqqorsivimmit allammut nuussisarnerit

4.4 Ilinniartitsissummi oqaatsit

Ilinniartitsineq imatut aqqiissuunneqassaaq ilinniartitsissutip siornani studiemik teknikkimi taaguutiniq eqqortumik paasinnittoqariartorluni atuisinnaajartortoqarlunilu. Ilinniartitsineq imatut aqqiissuunneqassaaq ilinniartut ilinniartitsissumi oqaatsinik aammalu ilinniartitsissummi oqariaatsinik paasinnittarnerat atuisarnerallu aqqiissuussamik ineriartorteqqinneqarluni.

Ilinniartitsinermi nipilersuutiniq tusaruminartunut taakkuninngalu grafikinngorlugit takutsiteqqinnermut tunngatillugu nalunaarsuineq, nalilersuineq, nassuiaaneq qisuariartornerlu suliarineqassapput. Tamanna aqutigalugu ilinniartut suliaqarfimmi taaguutiniq atuisarnerat imatut ineriartortinneqassaaq nipilersorneq pillugu oqaatsinik atuisarnerit annertunerusumik pitsaassuseqalertinneqarluni. Tamanna nipilersornermut nipilersornermillu ilinniarmut tunngatillugu.

4.5. Ilinniartitsissutiniq allanut atassuteqartitsineq

Ilinniartitsineq imatut aaqqissuussineqassaaq piffissap ilaani suliagarfiit akornanni sulisoqartarluni aammalu ilinniartitsissutini allani ilisimasaqarfinnik sanilliussisoqartarluni. Ilinniartut imminnut avatangiisiminnillu paasinnittarnerat nipilersornermik ilinniartitsissummi atassuteqartinneqalissaat, taamaaliortoqarsinnaatillugulu ilinniagaqarnermi ilinniartitsisunut allanut atassuseeqataassalluni, tassa nipilersornermik ilinniartitsissummi inulernermi, pinngortitamik ilisimatusarnermi inuiaqatigiinnillu ilisimatusarnermi immikkoortuni pingaarnerni immikkoortut ilanngunneqartussaammata.

5. Nalilersuineq

5.1 Ingerlaavartumik nalilersuisarneq

Nalilersuineq nipilersornermik ilinniartitsinermi ilinniartitsissummi ilikkagassatut anguniagassatut aalajangikkat tunngavigalugit ingerlanneqassaaq, piffissalu ingerlanerani misilitsinnerit annikinnerit atorneqartassapput. Ilinniartut ilinniartitsissummi killiffimminnik ilisimatinneqartarnissaat qulakkeerneqassaaq. Nipilersornermik ilinniartitsissummi nipilersornermik nalilersuinermi nipilersornermik ingerlatsineq ingerlaavartumik nalilersorneqartassaaq pitsanngorsarneqartassallunilu. Nalilersuinermi tassani ilinniartitsissummi immikkut eqqumiitsuliorneq kusanartuliorterlu tassunga peqatigitillugu ilanngunneqassapput. Ilinniartut killiffiannik nalilersuinermi ilinniartitsissummi nipilersorneq atuagarsornerlu assigiimmik naleqartinneqassapput.

5.2. Misilitseriaatsit

Nipilersornermik ilinniartitsinermi nipilersornermillu ingerlatsinermi marlunnik immikkoortulimmik oqaluttariarsorluni misilitsittoqassaaq:

Immikkoortumi siullermi misilitsinneq tassaavoq nipilersornermik piginnaasaqarnermik misilitsinneq. Soraarummeertumut ataatsimut piffissaq soraarummeertitsineq minutsit 24-t missaanni sivisussuseqassaaq, piareersarnermullu minutsi 48-t missaanni piffissaliisoqassalluni.

Misilitsinnermi tunngaviusoq tassaassaaq suliassaq nipilersorneq pillugu sammisanit ilinniakkat ilisimasaqarnerusut imaluunniit nipilersuusiorluni suliniuteqarnermeersut imaluunniit saniatigut ilinniakkat ilisimaneqanngitsut soraarummeertitsisumit suliarineqartut. Nipilersorneq pillugu misilitsinnermi atortut tassaapput nipilersukkami ataatsimik arlalinnilluunniit immiussaq taassumaluunniit ilaa katillugu minutsinik arfineq marlunnik sivisussuseqartoq, nipilersuummik tusarnermik taassumaluunniit ilaanik atortunilluunniit allanik grafikkinnortitsineq. Nipilersuusiorluni suliniummik misilitsinnermi atortut tassaassapput suliniummut, suliniummut namminermt saniatigullu ilinniakkak ilisimaneqanngitsunik uppersaasiorneq. Suliassat nipilersorneq pillugu sammisat akornannut imaluunniit nipilersorneq pillugu sammisat nipilersuusiorlunilu suliniutip akornanni avinneqassapput. Suliassat misilitsinnermiluatortut holdimurt ataatsimut amerlanerpaamik pingasoriarlutik atorneqarsinnaapput.

Soraarummeersitsineq soraarummeertup saqqummiussineranik aallartinneqassaaq, tamassumalu kingorna suliassaq aallaavigalugu soraarummeertup soraarummeersitsisullu oqaloqatigiinnerisigut ingerlanneqassalluni.

Ini piareersarfik nipilersuutini tusarnaarutinik naleqquttunik noqartilimmillu nipilersuummillu pattaffilimmik peqassaaq. Soraarummeertup nipilersuut nammineq toqqakkani nassarsinnaavaa.

Misilitsinnerup immikkoortuata aappaa tassaavoq nipilersorneq soraarummeertumut ataatsimut minutsit qulit missaaanni sivisuussusilik.

Soraarummeertup nipilersuusiata marluk nammineq toqqarlugit kisimiilluni aamma/imaluunniit nipilersuutit atorlugit nipilersoqatigiit nipilersorneranni piginnaasaqarnini takutissavai, sorraarummeertullu nipilersoqatigiinni kimisiilluni nipilersoqatigiinnilu nipilersornermi piginnaasani takutissavai. Nipilersoqatigiit tassassapput soraarummeertut ikinnerpaamik marluk. Soraarummeertup holdip ilinniartitsisuanit tamanna siumut akuerineqarsimappat takutitsinermini ikiortut atorsinnaavai, misilitsinnermili ikiortut nalilerneqassanngillat. Soraarummeertup ikiortillu suliassaat soraarummeertitsisumut censorimullu erseqqarissapput.

Soraarummeertoq pisuni immikkut ittuni nipilersoqatigiinni pingasut tikillugit peqataasinnaavoq nalilerneqarlunilu.

Piffissami ilinniartitsinermi tiimip kingulliup oqaluttariarsorlunilu misilitsinnerup akornanni ilinniartitsisup ataatsimut nipilersornissaq siunertaralugu nipilersornermi piginnaasat attatiinnarlugit marloriarluni pingasoriarluni holdi naapissavaa.

Imminnut ilinniartittut

Imminnut ilinniartittut kisimiilluni erinarsuutinik marlunnik erinarsornermik misilinneqassapput. Imminnut ilinniartittut nipilersortoqarsinnaaneq nammineq isumasigissavaat. Kisimiilluni erinarsuut ataaseq censorip kisimiilluni erinarsuutit arlalinnit erinarsuutinik qulinit ilinniartunit katiterneqartunit toqqassavaa. Soraarummeertup vokalimik piginnaasani kisimiilluni marlunnik erinarsornikkut takutissavai.

Imminnut ilinniartittut nipilersornermi piginnaasani nipilersornermik sammisani ikinnerpaamik ataatsimik makitsinikkut misilinneqassapput. Nipilersuusiornermi suliniutaasinnaasumik ataatsimik misilinneqarnissamik periarfissaq atorunnaassaaq. Nipilersuusiornermik suliniut tassaassaaq nipilersorneq pillugu sammisani ikinnerpaamik marluk akornanni ataaseq misilitsiffiuppat makitsoqassanngilaq, tassanilu imminnut ilinniartittut nipilersorneq pillugu sammisat sinneranni misilitsissapput.

Misilitsinneq aamma ilinniagassatut pilersaarummi allaaserineqartutut ingerlanneqassaaq.

Napparsimanerup kingorna soraarummeerneq

Napparsimanerup kingorna soraarummeernermi misilitsinnermi nipilersornermik piginnaasanik kisimiilluni nipilersukkanik marlunnik soraarummeertumit nammineq toqqakkanik soraarummeertitsisoqassaaq, tassanilu ataatsimut nipilersorneq atorunnaassaaq. Napparsimanerup kingorna soraarummeernermi soraarummeertup vokalinik nipilersuutinillu piginnaasanik takutitsinissaanik piumasqaat atorunnaassaaq.

Misilitsinneq aamma ilinniagassatut pilersaarummi allaaserineqartutut allatut ingerlanneqassaaq.

5.3. Nalilersuinermi tunngaviit

Naliliineq tassaavoq soraarummeertup saqqummiussinnermini ilinniartitsissumi anguniakkat imm. 3.1-imi allaaserineqartut assinginik qanoq eqqortitsineranik naliliineq.

Nipilersornermik piginnaasat (nipilersorneq pillugu atuagarsorneq oqaluttuarisaanerlu)

- nipilersornermi tunngavinnik, nipilersornermik ilinniarnermik tusarnaartarnermillu ilinniarnermik ilisimasat aammalu taakkuninngalu nipilersuummik nalilersuinermi atuisinnaassuseqarneq,
- nipilersornerup oqaluttuarisaanerani nunarsuarmi, inuiaqatigiinni, kulturimi aamma nipilersoriaatsinik assigiinngitsunik ilisimasaqarneq aamma nipilersornermi nalilersuinermi atassuteqartitsinernik naleqqutunik ilisimasanik atuisinnaaneq
- nipilersornermi nutersoriaatsinik atuisinnaassuseqarneq
- nipilersorneq pillugu sammisanut imaluunniit nipilersuusiornermik suliniunteqarnermut atatillugu ajornartorsiutinik taakkunuunga atasunik nassuiaasinnaassuseqarneq oqallisiginnaassuseqarnerlu.

Mislitsinnerup immikkoortuata aappaani (nipilersorneq) uku pingaartinneqassapput:

- tusaasaqarsinnaassuseq nipilersorsinnaassuserlu, tassa nipilersoqatigiinnermi peqataasunut allanut nipilersoqatigiinni oqimaasaqatigiissitsinermi nammineq ingerlatsinermik malugisaqarneq,
- erinarsorluni nipilersuutinillu piginnaasat aamma kisimiilluni saqqummiinermi nipilersoqatiinnermilu nipilersornermi saqqummiineq.

Soraarummeertup ingerlatsineranik ataatsimut naliliineq aallaavigalugu karakteriliisoqassaaq. Nipilersorneq aamma nipilersornermik piginnaasaqarneq naligiimmik nalinerneqassapput.